

Die Traditionen des Hochstifts Freising (Ed. Bitterauf), Nr. 436

Dum et omnibus non habetur incognitum, sed multis est in episcopio sanctae Mariae bene cognitum, qualiter vir venerabilis Hrodheri presbiter renovavit traditionem ab antecessoribus suis olim actam ad domum sanctae Mariae semper virginis in loco Frigisinga, eo modo iam caligantibus eius oculis virum fidelem Uuagonem mittens ad domnum Hittonem episcopum adnuntians ei consilium vel voluntatem animae suae petensque domnum episcopum, ut publice et legitime proprium servum sanctae Mariae consedere fecisset iam dictam rem Hrodharri presbiteri. Ita et actum est. Hoc peractum tres dies et noctes iterumque consilio inito Hrodheri cum Uuagone vel aliis propriis proximis et fidelibus suis, ut pius pontifex Hitto ei auxilium seu adiutorium perdonare decrevisset ea ratione, ut propter suam senectutem et caliginem oculorum res ecclesiasticas quas habuit distracta et minorata non fuisset vel etiam in aliis rebus augmentata et meliorata ad domum sanctae Mariae crescere potuisset. Placuit haec omnia domno episcopo et concessit ei licentiam eligere de suis propinquis qui ei conplacuisset et ipsi oboediens sicut patri esset. Haec convenientia utrisque partibus peracta et bono conducta consilio elegebat Hrodheri presbiter filium fratris sui Isanhartum clericum cum consilio omnium propinquorum et adduxerunt eum ad domnum Hittonem dei sacerdotem et enarraverunt omnium consilium illorum, eo quod ipse Isanhart propriam hereditatem quam pater suus ei in eodem vico Phetarah nuncupato in hereditatem reliquit domui sanctae Mariae tradere voluit in hoc, quod ei domnus episcopus ecclesiam cum rebus ad eam pertinentibus Hrodharri patris sui in beneficium concedisset. Placuerunt domno episcopo ita conducta haec omnia. Tunc accessit iam dictus Isanhart et frater eius Otolh et communi manu tradiderunt domui sanctae Mariae quicquid proprie hereditatis Isanhart clericus in supradicto vico Phetarah habere videbatur domum curtem circumcinctam cum omnibus aedificiis et utensiliis; nihil enim ex omnibus praetermisit tam in mancipiis quam omnibus rebus territoriis pratis silvis vel quicquid ad iam dictum domum legibus pertinere visum est, totum ex integro domui sanctae Mariae et firmiter condonaverunt in hoc, quod utrasque res ad suam vitam in beneficium ad plenum servitium ecclesiasticum habere eum licuisset. Ita et actum et firmiter est confirmatum. Haec nomina mancipiorum quos tradidit Isanhart: Uuanolf, Liutker, Deotkis, Uualtolf, Uuolfuuind, Rihhilt, Uualtila, Uualtrat, Uuerdhilt. Haec nomina testium. Inprimis fideiussores: Samuel. Toto. Haholf. Reginhoh. Deinde testes per aures tracti: Otolh frater Isanharti. Samuel. Uualho. Crimheri. Haholf. Toto. Reginhoh. Francho. Herilunc. Crimuni. Eparachar. Cozolt. Heriuuin. Kepahoh. Arperht. Kerperht. Hunkis. Rihperht. Ellancrim. Uuillipald. Actum est haec in XI. kal. iunias anno gloriosi Hludouuici imperatoris VI. indictione XIII. anno incarnationis domini DCCCXX. Ego quidem Tagipertus indignus presbiter scripsi iussione Hittonis episcopi.